



3. januar 2011

XX.XXXXX XXX

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqut:

Kalaallit Danmarkimi ilinniartutik biileqartut, qallunaat qamutininut motoorilinnut akitsuutaannut akileraartarunnaassappata, nunatsinnilu qamutit motoorillit nummerplade-nik atuilissappata qanoq periarfissaqarpa? Taamaaliortoqassappallu qanoq piumasaqaateqarpa?

Tunngavilersuut:

2009-mi Lars-Emil Johansen-imut Folketing-imi paarlattaallunga, ilinniartunik kalaallinik ataatsimiisitsisaqattaarninni ilinniartut tungaannik oqariartuutigineqartunut ilaavoq Danmarkimi kalaallit ilinniartut biilillit Danmarkimi qamutit motoorilinnut akitsuutinut akiliisarunnaarnissaannik siunnersuut.

Kalaallinik ilinniartunik ataatsimiisitsininni ilaatigut ersarissaatigineqarpoq, nunani avannarlermioqatigut Savalimmiuneersut Islandimeersullu Danmarkimi ilinniartut biiliminnut akileraartutunik akiliineq ajorput, tassa Savalimmiormiut Island-ermiullu nummerplade-nik Danmarkimi atuisuunertik tunngavigalugu.

Soorunami nunani avannarlermioqatitsinnut ilinniartunut aamma aningaasatigut oqilisaataavoq, biilitaarnissaannullu kajumissaataalluni.

Tunngavilersuutikka innersuussutigalugit, matumuuna Naalakkersuisunut apeqquteqaatigissavara, Danmarkimi ilinniartuutigut kalaallit nunani avannarlermioqatigutuulli periarfissaqalissappata qanoq iliornikkut tamanna anguneqarsinnaanersoq? Aammattaaq paaserusunnarpoq, taamatut periarfissiisoqassappat nunatsinnut qanoq piumasaqaatitaqarnersoq?